

CUMÜN DA SENT



# Il mas-chalch da Sent

Publicaziuns officialas. Cumpara seguond bsögn.

2012-2014

no. 2

7554 Sent, 31 schner 2012 / cl

## Alarm da prova dals 1. favrer 2012 a las 13.30 h

### “Allgemeiner Alarm und Wasseralarm”

(Comunicaziun da pressa)

Sco minch'on ha lö in marcurdi, als 1. favrer 2012, a las 13.30 ed a las 14.00 ün alarm da prova in tuot la Svizra.

Pro l'alarm da prova vegna examinà scha las sirenas funcziunan. Cun quellas vain la populaziun alarmada in ün cas d'ün privel imnatschand. Il signal „**alarm general**“ vain dat d'ün tun üerlond regular chi crescha e chala e chi düra ca. ün minut.

A las 14.00 vain fat danouvmaing ün alarm da prova ingio chi vegnan examinadas las funcziuns da las sirenas da l'aua. Il signal „**alarm d'aua**“ vain dat d'ün tun bass regularmaing chi düra ca. ses minuts cun interrupziuns.

L'uffizi da militar e da protecziun civila giavüscha d'incleger las inconvenienzas colliadas culla controlla da las sirenas.

**L'uffizi per la protecziun civila**

## Rumida da naiv in cumün

Dürant las naiveras dal principi schner han ils lavuraints cumünals e las interpraisas da transport cumanzà cullas lavuors da schlavazuns, palas e camiuns fingià a bunura bod. Quai chaschuna disturbis da canera, ma s'ha verificchà illa qualità da la situaziun da naiv süllas vias in nos cumün. Per quistas masüras speraina süll'incletta da la populaziun.

In cas da situaziuns extraordinarias ans permettaina eir in avegnir da lavurar cun schlavazuns, palas e camiuns a partir da las 05.00 a bunura.

**Il schef da vias in cumün**



## Tscherchè a Sent

La Grotta dda cultura tschercha localitats per cuntinuar da realisar seis program. Sch'inchün füss pront da dar a fit localitats o vess üna bun'idea dessa'l as far dudir pro'l president Gian Andri Albertini (078 660 99 53 ) o pro inchün oter da la gruppa da lavur.

**Il comitè da la Grotta da cultura**


## Giantar cumünaivel

Als 16 favrer 2012 a las 12.00 ha lö il giantar cumünaivel a l'hotel Rezia a Sent.

Sperain cha no possan passantar darcheu ün pêr bellas uras insembel.

Annunzchas piglia jent incunter duonna Erica Clalüna, tel. 081 864 07 59

**La corporaziun evangelica**



## Tscherchè

La grupp da gö da Sent tschercha a partir da l'on nouv da scoula (2012/2013) ün(a) manader/manadra.

Chi chi vess interess e gust d'accompagnar ad uffants ill'età da 4 ons, per ün mez di l'eivna, fa il bain da s'annunzchar pro la presidenta Rita Nuotclà (telefon 081 864 80 91)

**La grupp da gö Tartarugas Sent**

## Plazza da sport – Glatsch

Il glatsch illa plazza da sport es avert mincha di da las 09.00 – 22.00

Pussibilità d'imprastar pattins: cuosts: 1 di fr. 5.--  
1 eivna fr. 25.--  
1 stagiun fr. 50.--

**La schefa da turissem**

## Marcas da chans 2012

Chi chi nu n'ha amo tut in consegn la marca dal chan 2012, dess far il bain e passar in büro cumünal d'ürant las uras da büro, fin il plü tard als **28 favrer 2012**.

**L'administraziun cumünala**

## Oblig da tgnair ils chans in manaistra

L'art. 42 da la ledscha da pulizia dal cumün da Sent prescriba il seguaint:

### **art. 42**

*.....Id es scumandà da tour cun sai chans in localitats cumünalas cun excepziun da chans dad orbs. Ils chans nu das-chan ir sün plazzas da giovar per uffants o sün plazzas da scoula. **Aint illas zonas per abitar da cumün e süls plazzals da champar esa da tgnair ils chans in manaistra.** Id es scumandà da laschar ir ils chans na survagliats. ....Il patrun dal chan es in dovair da ramassar ils excremants e da tils allontanar aint ils cuntgnaröls.*

Tenor uorden da multas vegnan cuntrafacziuns chastiadas cun ün chasti da fr. 100.—

Nus giavüschain da resguardar quista ledscha e da tilla comunicar eir a vos giasts.

**La schefa da pulizia**

## Avis

Causa las naiveras sun ils tets da las chasas chargiats cun blera naiv ed i's fuorman in blers lös chandailas da glatsch e scuflets. Il Cussagl cumünal vules render attent cha per dons chaschunats vi da personas o ogets sün terrain public causa la naiv o il glatsch chi crouda gio da tet es il possessur da chasa respunsabel.

**Pel Cussagl cumünal  
Il capo**

## Tscherchè da dar a fit a Sent

Chasa d'abitar cun tablà a Curtin Sura

3 chombras, stüva, chadafö e bogh. Piertan grond ed abitabel

Predsch tenor cunvegna.

Interessent(a)s a dessan drizzar a: Fam. Jürg e Uorschlina Etter, San Niclà 146, 7558 Strada

Tel. 081 866 36 47

Mobile: 078 530 70 58

**Famiglia Jürg e Uorschlina Etter**